

Pandangan Terhadap Manusia

Asas kejadian manusia ialah bersifat positif. Arah pergerakan manusia ialah kepada kesempurnaan sendiri (self-actualization), kemantapan, dan bersosialisasi.

Rogers tidak begitu bersetuju dengan pandangan, terutama agama Kristian yang menganggap manusia pada asasnya cenderung membuat dosa, juga dengan Freud yang mengatakan manusia pada asasnya tidak rasional, tidak sosial, ganas, merosakkan diri sendiri, dan orang lain.

Kata Rogers, sememangnya manusia memang ada berkelakuan demikian, tetapi pada masa sedemikian dia berkeadaan neurotik, dan berfungsi tidak sepenuhnya seperti manusia yang sebenar. Manusia apabila berfungsi dengan bebas untuk mengalami dan memenuhi keperluan asas. Manusia sebenarnya adalah makhluk yang positif dan bersosial, boleh dipercayai dan pada asasnya adalah konstruktif.

Misalnya, tingkahlaku manusia ada persamaan dengan tingkahlaku seekor singa. Bagi Rogers, seekor singa pada asasnya ialah merupakan satu binatang konstruktif dan boleh dipercayai dalam golongan makhluk singa. Walaupun singa biasanya digambarkan sebagai binatang buas, tetapi ia mempunyai kualiti yang baik. Dia membunuh apabila ia lapar, tidak kerana sewenang-wenangnya sahaja. Dia membesar dari anak yang begitu bergantung kepada kebebasan, dan dia bertukar dari menjadi begitu tertumpu kepada diri sendiri kepada bekerjasama dan menjaga kepentingan kumpulan.

Jadi, apa yang jelas di sini ialah pandangan Rogers terhadap manusia adalah begitu positif, sama seperti Maslow dan Goldstein yang menekankan bahawa organisme bergerak ke depan untuk mencapai potensi diri sendiri. Tidak ada penggerak yang destruktif dalam diri manusia, kesemuanya bergerak ke tahap personaliti yang sihat, self-actualizing dan self-realizing.